

Na osnovu člana 9. Zakona o federalnim ministarstvima i drugim tijelima federalne uprave ("Službene novine Federacije BiH", br. 19/03, 38/05, 2/06 i 8/06), odredaba Odluke o usvajanju Programa utroška sredstava utvrđenih u razdjelu 17. Budžeta Federacije Bosne i Hercegovine za 2020. godinu Federalnom ministarstvu energije, rudarstva i industrije „Kapitalni transferi javnim preduzećima – Finansiranje razvojnih projekata u Federaciji Bosne i Hercegovine iz oblasti namjenske industrije“ („Službene novine Federacije BiH", broj 87/20), Federalno ministarstvo energije, rudarstva i industrije o b j a v l j u j e

**JAVNI POZIV
ZA KANDIDOVANJE PROGRAMA UTROŠKA SREDSTAVA UTVRĐENIH U
RAZDJELU 17. BUDŽETA FEDERACIJE BOSNE I HERCEGOVINE ZA 2020.
GODINU FEDERALNOM MINISTARSTVU ENERGIJE, RUDARSTVA I
INDUSTRIJE „KAPITALNI TRANSFERI JAVNIM PREDUZEĆIMA –
FINANSIRANJE RAZVOJNIH PROJEKATA U FEDERACIJI BOSNE I
HERCEGOVINE IZ OBLASTI NAMJENSKE INDUSTRIJE”**

I. PREDMET POZIVA

Predmet poziva je prikupljanje zahtjeva za odabir korisnika grant sredstava, u skladu sa Programom utroška sredstava utvrđenih u razdjelu 17. Budžeta Federacije Bosne i Hercegovine za 2020. godinu Federalnom ministarstvu energije, rudarstva i industrije „Kapitalni transferi javnim preduzećima – Finansiranje razvojnih projekata u Federaciji Bosne i Hercegovine iz oblasti namjenske industrije“ („Službene novine Federacije BiH", broj 87/20).

II. PRAVO UČEŠĆA

Pravo učešća na Javnom pozivu imaju javna/državna preduzeća, odnosno preduzeća u kojem Federacija Bosne i Hercegovine ima udio u vlasništvu u iznosu od najmanje 50% plus jedna dionica, sa sjedištem u Federaciji Bosne i Hercegovine i čija je primarna djelatnost iz oblasti namjenske industrije, koja je Zakonom o proizvodnji i prometu naoružanja i vojne opreme u Federaciji Bosne i Hercegovine („Službene novine Federacije BiH", broj 79/07), članom 5., „Proizvodnja i promet naoružanja i vojne opreme“ definisana kao djelatnost od posebne federalne važnosti.

Po ovom Javnom pozivu ne mogu aplicirati privredna društva koja su bila korisnici grant sredstava dodijeljenih od strane Federalnog ministarstva energije, rudarstva i industrije u periodu 2017.-2019. godina, a od kojih je zatražen povrat istih zbog neopravdano ili nenamjenski utrošenih sredstava i takvi zahtjevi se neće uzeti u razmatranje.

Navedeno se ne odnosi na privredna društva koja su, zbog nemogućnosti realizacije projekta za koje su odobrena sredstva, izvršila povrat istih u cijelosti.

III. SVRHA DODJELE SREDSTAVA

Cilj Programa utroška sredstava utvrđenih u razdjelu 17. Budžeta Federacije Bosne i Hercegovine za 2020. godinu Federalnom ministarstvu energije, rudarstva i industrije „Kapitalni transferi javnim preduzećima – Finansiranje razvojnih projekata u Federaciji Bosne i Hercegovine iz oblasti namjenske industrije (u daljem tekstu: Program), je razvoj privrednih društava iz oblasti namjenske industrije, poboljšanje i uvođenje novih

rješenja u proizvodne procese, poboljšanje ekonomičnosti, osiguranje kvalitete i povećanje njihove konkurentnosti.

Dodjela grant sredstava se vrši za:

- usaglašavanje proizvoda sa zahtjevima tehničkih propisa;
- razvoj tehnoloških procesa i proizvoda;
- razvoj proizvodnje;
- repariranje, remont i modernizaciju zastarjele opreme neophodne za proizvodne procese;
- nabavku nove opreme za proizvodnju;
- infrastrukturne radove na proizvodnim pogonima s ciljem pokretanja novih proizvodnih procesa.

Naprijed navedeno podrazumijeva i aktivnosti koje su započete najkasnije šest (6) mjeseci retroaktivno, od dana podnošenja zahtjeva za dodjelu sredstava po ovom Javnom pozivu i Programu, uz napomenu, da ponude, predračuni ili ugovori ne smiju biti od dobavljača ili izvođača koji je povezano lice sa podnosiocem zahtjeva za dodjelu sredstava.

Opravdani troškovi po projektu, su troškovi za koje se odobravaju grant sredstva po ovom Programu, a koji ispunjavaju sljedeće uslove:

- da su navedeni u planiranom budžetu projekta;
- da su mjerljivi;
- troškovi za usaglašavanje proizvoda sa zahtjevima EU direktiva;
- uvođenje CE oznake;
- troškovi poboljšanja postojećih i razvoj novih proizvoda i/ili tehnoloških procesa (izrada tehničke dokumentacije za proizvod, izrada prototipa proizvoda, ispitivanje prototipa proizvoda, izrada dizajna novog proizvoda, izrada redizajna proizvoda, izrada tehnološke dokumentacije za potrebe poboljšanja postojećih ili razvoja novih tehnoloških procesa, troškovi nabavke/izrade/dorade i implementacije specijaliziranih softvera uključujući operativni sistem i softver opće namjene).

Neprihvatljivi troškovi su:

- porez na dodanu vrijednost (PDV),
- nabavka vozila i transportno- manipulativnih sredstava,
- troškovi vezani za nabavku opreme kao što su: carinski i administrativni troškovi, troškovi transporta, špedicije, skladištenja, montaže i instaliranja opreme i sl.
- zajmovi i rate za otplatu kredita, i reprogram kredita.

IV. KRITERIJI ZA IZBOR KORISNIKA

Korisnici sredstava po ovom Javnom pozivu i Programu su privredna društva, sa većinskim državnim vlasništvom, čije je sjedište u Federaciji Bosne i Hercegovine i čija je djelatnost definisana u tački II. Javnog poziva i u tački 5. Programa, te da za iste troškove za koje se podnosi zahtjev, a koji trebaju biti detaljno navedeni u planiranom budžetu projekta, u periodu 2017.-2019.godina, nisu koristili podsticajna sredstva Federalnog ministarstva energije, rudarstva i industrije. Privredna društva koja apliciraju za dodjelu grant sredstava, moraju biti registrovana u skladu sa Zakonom o proizvodnji i prometu naoružanja i vojne opreme u Federaciji Bosne i Hercegovine („Službene novine Federacije BiH“ broj 79/07), moraju imati Rješenje o izdavanju dozvole za proizvodnju naoružanja i vojne opreme, robe dvojne namjene ili robe posebne namjene i Rješenje o upisu u registar osoba spoljnotrgovinskog prometa,

izdate od strane Ministarstva spoljne trgovine i ekonomskih odnosa Bosne i Hercegovine.

Formalno ispravni zahtjevi, odnosno zahtjevi čija je dostavljena dokumentacija potpuna i koji ispunjavaju osnovne kriterije definisane Javnim pozivom i Programom, će se ocjenjivati kako slijedi:

KRITERIJI		Broj bodova
Broj zaposlenih		
Broj zaposlenih u preduzeću 50-150		1
Broj zaposlenih u preduzeću 151-250		3
Broj zaposlenih u preduzeću > 250		5
Sklopljeni ugovori u 2019. i 2020. godini		
Vrijednost sklopljenih ugovora/predugovora <5mil. KM		1
Vrijednost sklopljenih ugovora/predugovora od 5 do 25mil.KM		3
Vrijednost sklopljenih ugovora/predugovora od 25 do 50mil.KM		5
Vrijednost sklopljenih ugovora/predugovora >50mil.KM		7
OCJENA PRILOŽENOG PROJEKTA		
Svrha ulaganja traženih sredstava	Ulaganje u adaptaciju ili izgradnju proizvodnih objekata	1
	Nabavka mašina i opreme za proizvodnju	3
	Ulaganje u razvoj novih proizvoda u proizvodnom "asortimanu"	5
Projektni prijedlog detaljno opisan sa identificiranim ciljevima, rezultatima i aktivnostima	Nije navedeno	0
	Djelomično navedeno	1
	U potpunosti navedeno	3
Planirani budžet projekta je jasno opisan i prikazuje neophodne troškove za provedbu	Nije opisan	0
	Djelomično opisan	1
	U potpunosti je opisan	3
Uticaj projekta na povećanje broja novozaposlenih	Projekat ne utiče na povećanje broja zaposlenih	0
	Projekat utiče na povećanje: do 5 novozaposlena	1
	Projekat utiče na povećanje: od 6 do15 novozaposlenih	3
	Projekat utiče na povećanje: od 16 do 50 novozaposlenih	5
	Projekat utiče na povećanje: 51 i više novozaposlenih	7
Da li će realizacija projekta uticati na povećanje prihoda	Realizacija projekta ne utiče na povećanje prihoda	0
	Realizacija projekta utiče na povećanje prihoda do 2%	1
	Realizacija projekta utiče na povećanje prihoda od 3 - 5 %	3
	Realizacija projekta utiče na povećanje prihoda od 6 - 10%	5
	Realizacija projekta utiče na povećanje prihoda više od 10%	7

Vlastito učešće u finansiranju projekta	Vlastito učešće u finansiranju <10%	1
	Vlastito učešće u finansiranju 10-40%	3
	Vlastito učešće u finansiranju >40%	5
Da li je projekat sufinansiran od strane partnera	Partnerski projekat	0
	Samostalni projekat	5

Podnosilac zahtjeva može podnijeti samo jedan zahtjev za učešće po Javnom pozivu i Programu.

Podnosilac zahtjeva podnosi zahtjev za dodjelu sredstava koji obuhvata jednu ili više projektnih aktivnosti koje su Javnim pozivom i Programom prihvatljive, a koje zajedno treba da doprinesu povećanju konkurentnosti privrednog društva.

V. SREDSTVA PREDVIĐENA ZA DODJELU

Sredstva za provedbu Programa, utvrđena su u razdjelu 17, ekonomski kod 615 u Izmjenama i dopunama Budžeta Federacije Bosne i Hercegovine za 2020. godinu. Navedena sredstva su grant sredstva Federalnog ministarstva energije rudarstva i industrije i dodjeljivati će se po ovom Javnom pozivu.

Odlukom o izmjenama i dopunama Budžeta Federacije Bosne i Hercegovine u 2020. godini, Ministarstvu, u Razdjelu 17, „Kapitalni transferi javnim preduzećima – Finansiranje razvojnih projekata u Federaciji Bosne i Hercegovine“ obezbijedena su sredstva u ukupnom iznosu od 2.700.000,00 KM i predviđeno je da se ista rasporede ovim Javnim pozivom i Programom.

Privredna društva po ovome Programu mogu ostvariti pravo na dodjelu grant sredstava samo po jednom dostavljenom zahtjevu.

VI. TRAJANJE JAVNOG POZIVA

Javni poziv ostaje otvoren 15 (petnaest) dana od dana zadnje objave. Ukoliko sredstva ne budu utrošena po prvom raspisanom Javnom pozivu, Federalno ministarstvo energije, rudarstva i industrije može ponovo raspisati Javni poziv, najkasnije do kraja fiskalne godine, u skladu sa Programom.

VII. PROVOĐENJE JAVNOG POZIVA

Prijavu na Javni poziv, potencijalni korisnici grant sredstava trebaju dostaviti uz sljedeću dokumentaciju:

1. Zahtjev za dodjelu grant sredstava (može se preuzeti na web stranici Ministarstva www.fmeri.gov.ba),
2. Potpisana i ovjerena pečatom društva, izjava odgovornog lica za zastupanje, na memorandumu društva, da za iste troškove za koje se podnosi zahtjev, u periodu 2017.-2019. godina, privredno društvo nije koristilo sredstva Federalnog ministarstva energije, rudarstva i industrije,
3. Projekat odnosno predmet finansiranja, koji između ostalog treba da sadrži i sljedeće stavke:
 - a) Opis projekta (detaljno opisati predmet finansiranja uključujući tehničke karakteristike, vrijednost, predračune, fakture, ugovore i sl. i obrazložiti razloge za realizaciju projekta);

- b) Finansijska konstrukcija – budžet (izvori finansiranja, izvjesnost planiranog vlastitog udjela u finansiranju – samofinansiranje, ostali izvori iz kojih se finansira projekat i sl.);
 - c) Plan i dinamika implementacije projekta (precizirati kada je planirano izvršavanje svih potrebnih aktivnosti i koliki su troškovi za realizaciju projekta odnosno da li su izvršene sve pripreme i navesti koje, obezbijedene sve dozvole sa identifikovanim rizicima zbog kojih se ne bi mogla izvršiti ili bi bila otežana implementacija projekta);
 - d) Efekti projekta (obrazložiti očekivane efekte sa kalkulacijom na obim poslovanja i povećanje prihoda, pozicioniranost na tržištu, aktivizaciju novih kupaca i sl.);
 - e) Planirano zapošljavanje novih radnika (obrazložiti potrebu za novim radnicima, opravdanost potrebe za dodatnim zapošljavanjem, planiranu dinamiku zapošljavanja kao i troškova radnika koji će biti zaposleni u narednom periodu);
 - f) Potencijalni rizici poslovanja (opisati sve potencijalne rizike: nedostatak radne snage, nedovoljno snabdijevanje sirovinama, nepovoljni propisi u izvozu, vremenske prilike, ozbiljna fluktuacija cijena, jaka konkurencija, problemi sa osnovnim dobavljačima, tehničke ili proizvodne poteškoće i sl.);
4. Rješenje o registraciji sa svim izmjenama i dopunama (ovjerena kopija),
 5. Rješenje o izdavanju dozvole za proizvodnju naoružanja i vojne opreme, robe dvojne namjene ili robe posebne namjene izdato od strane Ministarstva spoljne trgovine i ekonomskih odnosa Bosne i Hercegovine (ovjerena kopija),
 6. Rješenje o upisu u registar osoba vanjskotrgovinskog prometa, izdato od strane Ministarstva vanjske trgovine i ekonomskih odnosa Bosne i Hercegovine (ovjerena kopija),
 7. Aktuelni izvod iz u sudskog registra (original ili ovjerena kopija ne starija od 30 dana),
 8. Statut ili odluka/akt o osnivanju (kopija ovjerena pečatom društva),
 9. Uvjerenje o poreznoj registraciji kod Porezne uprave – ID broj (ovjerena kopija),
 10. Uvjerenje o registraciji obveznika poreza na dodanu vrijednost – PDV broj (ovjerena kopija),
 11. Obavijest nadležnog zavoda za statistiku o razvrstavanju prema djelatnosti (ovjerena kopija),
 12. Lična karta (ovjerena kopija) i CIPS potvrda o prebivalištu lica ovlaštenog za zastupanje,
 13. Spisak zaposlenika iz matične evidencije aktivnih osiguranika, izdat od strane nadležne službe ne stariji od 30 dana od dana podnošenja zahtjeva.

Svi traženi dokumenti trebaju biti originali ili ovjerene kopije, ne starije od 30 dana od dana podnošenja zahtjeva za dodjelu grant sredstava, osim dokumenata za koje je izričito navedeno u kojoj formi se dostavljaju.

VIII. PRIPREMA

Zahtjev za dodjelu sredstava sa potrebnom dokumentacijom po Javnom pozivu, uvezan i poredan po tačkama Javnog poziva od 1.-13., podnosi se Ministarstvu, potpisan od strane ovlaštenog lica.

Zahtjev za dodjelu grant sredstava sa odgovarajućim priložima i dokumentacijom iz poglavlja VII Javnog poziva, dostavljaju se preporučeno poštom ili lično u zapečaćenoj,

neprovidnoj koverti na adresu: Federalno ministarstvo energije, rudarstva i industrije Mostar, Alekse Šantića b.b. 88 000 Mostar s naznakom: Ne otvarati – po Javnom pozivu za kandidovanje po Programu utroška sredstava utvrđenih u razdjelu 17. Budžeta Federacije Bosne i Hercegovine za 2020. godinu, Federalnom ministarstvu energije, rudarstva i industrije „Kapitalni transferi javnim preduzećima – Finansiranje razvojnih projekata u Federaciji Bosne i Hercegovine iz oblasti namjenske industrije“. Na poleđini koverta obavezno navesti naziv podnosioca zahtjeva, adresu i kontakt telefon i ovjeriti pečatom privrednog društva.

Povrat dokumentacije se vrši isključivo na pismeni zahtjev podnosioca.

Odluke o izboru korisnika po Programu se objavljuju u „Službenim novinama Federacije BiH“ i na službenoj web stranici Federalnog ministarstva energije, rudarstva i industrije.

Neblagovremene prijave neće biti uzete u razmatranje.

Više informacija može se vidjeti u Programu, objavljenom na službenoj web stranici Federalnog ministarstva energije, rudarstva i industrije www.fmeri.gov.ba